

W5

Warws Ecséis

Nodyn talu ar gyfer nwyddau alcohol

Nodiadau ar gyfer llenwi ffurflen W5

Mae'r ffurflen hon ar gyfer Tollau Ecséis a Threth ar Werth (TAW) ar nwyddau alcohol yn unig. Llenwch ffurflen ar wahân ar gyfer pob perchennog. Mae'n rhaid i'r holl gofnodion fod yn glir. Peidiwch â throsysgrifo, rhwbio allan na defnyddio hylif cywiro ar unrhyw wallau. Mae'n rhaid i chi roi llinell drwy unrhyw newidiadau a threfnu i'r llofnodwr awdurdodi'r newidiadau hynny gyda blaenlythrennau ei enw. Mae'n rhaid i chi hefyd roi llinell trwy unrhyw resi sydd heb eu defnyddio.

Rhif cofrestru

Llenwch y ffurflen drwy ddefnyddio'r Rhif Cofrestru TAW (bydd hyn yn cael ei ddisodli gan system rhifo masnachwyr cenedlaethol newydd).

Cod warws

Dyma'ch rhif awdurdodi warws (i'w ddiddymu'n raddol pan gyflwynir y system rhifo masnachwyr newydd).

Cyfeirnod olynol

Mae'n rhaid i bob ffurflen W5 rydych yn ei chyflwyno gynnwys cyfeirnod olynol (CRN) unigryw. Ni chaiff y CRN fod yn fwy na 7 digid ac mae'n rhaid iddo gynnwys rhifau yn unig (ni chewch ddefnyddio unrhyw gymeriadau neu fylchau eraill yn y CRN). Dylech rifo'r ffurflenni W5 yn olynol mewn cyfres flynyddol, gan ddechrau o gyfnod cyfrifyddu stoc cyntaf y ceidwad warws yn y flwyddyn. Er enghraifft, yn ystod cyfnod stoc 1, rhifwch y ffurflenni 11234, 11235, 11236 ac yn y blaen; yn ystod cyfnod stoc 2, rhifwch nhw 21234, 21235, 21236 ac yn y blaen. Ni ddylid defnyddio CRNau dyblyg yn yr un cyfnod. Dylid defnyddio dilyniant rhifo unigryw ac ar wahân ar gyfer nodynnau talu arian parod (W5) a nodynnau gohirio (W5D), ac ar gyfer pob warws a weithredir gan geidwad y warws.

Cyfrifiad y Doll Ecséis

Ceir manylion y mathau o drethi a chyfraddau toll yng Nghyrol 1, Rhan 12 o Dariff Integredig y Deyrnas Unedig.

O dan y golofn nifer:

- ar gyfer pob math o alcohol (cwrw, gwin, seidr, gwirodydd a chynhyrchion eraill epleseidig), nodwch y nifer mewn litrau o alcohol pur (lpa) - dyma'r litrau o gynnyrch wedi'u lluosio â chryfder yr abv, er enghraifft 2000 litr o gynnyrch @ 40% o gryfder, nodwch 800 litr fel y nifer (2000 x 40%)
- ar gyfer cynhyrchion gwin, sylwch fod yn rhaid i win â chryfder rhwng 11.5% a 14.5% (yn gynhwysol) ddefnyddio 12.5% fel cryfder tybiedig rhwng 1 Awst 2023 a 31 Ionawr 2025 (dyddiadau'n gynhywsol) - er enghraifft ar gyfer 1000 litr o 13.5% o win, nodwch 125 litr fel y nifer (1000 x 12.5%)

Gwerth ar gyfer TAW

Gall hyn amrywio. Os yw'r nwyddau, yn ystod eu cyfnod yn y warws, wedi bod yn destun cyflenwad, neu wasanaethau ychwanegol megis storio neu drin, gall hyn effeithio ar y sefyllfa TAW. Gallwch ddod o hyd i arweiniad manwl yn 'Imports (Hysbysiad TAW 702)'. Sylwer - mae'n rhaid i werth TAW gynnwys Toll Ecséis ym mhob achos (a Tholl Dramor os yw'n berthnasol).

Defnyddiwch ffurflenni ar wahân, wedi'u nodi'n glir, i fanylu ar unrhyw dandaliadau neu ordaliadau y byddwch yn eu darganfod. Dylech gynnwys croesgyfeiriad at y camgymeriad blaenorol, gyda disgrifiad byr o'r rheswm dros y gwall.

Gwerth ar gyfer TAW - arweiniad atodol o 1 Ionawr 2021

O 1 Ionawr 2021, bu newidiadau yn y ffordd y caiff TAW ei chyfrifo ar nwyddau sy'n dod i mewn i'r DU o'r UE neu drydydd gwledydd. Bydd angen defnyddio ffurflenni ar wahân, wedi'u nodi'n glir, yn manylu ar y gwahanol fathau o dynnu o warws ecséis. Rhestrir y rhain isod ar gyfer tynnu nwyddau o warysau Prydain Fawr a Gogledd Iwerddon.

I gael arweiniad ar ddefnyddio cyfrifyddu TAW ohiriedig, ewch i www.gov.uk/guidance/check-when-you-can-account-for-import-vat-on-your-vat-return

I gael arweiniad ar sut i lenwi eich Ffurflen TAW wrth ddefnyddio cyfrifyddu TAW ohiriedig, ewch i www.gov.uk/guidance/complete-your-vat-return-to-account-for-import-vat

Nwyddau sy'n cael eu tynnu o warws ecséis ym Mhrydain Fawr

Nwyddau sy'n dod i mewn i Brydain Fawr o'r UE cyn 1 Ionawr 2021, ac yn cael eu rhyddhau o ohiriad tollau mewn warws ecséis ar neu ar ôl 1 Ionawr 2021

Mae nwyddau cylchrediad rhydd y GE yn destun gweithdrefnau TAW caffael. Yn yr achosion hyn, cwblhewch y blychau Gwerth/Cyfradd a nodwch 'TAW ACO' yn y blwch TAW. Cofiwch gadw'r wybodaeth hon ar gyfer eich cofnodion.

Mae nwyddau cylchrediad rhydd y GE lle mae'r gofyniad i roi cyfrif am TAW caffael wedi'i ddileu oherwydd bod y nwyddau'n cael eu cyflenwi tra eu bod mewn warws ym Mhrydain Fawr. Mae TAW cyflenwad yn ddyledus. Cwblhewch y blychau Gwerth/Cyfradd/Swm. Byddwch yn cael tystysgrif C79 i gefnogi eich hawliad am ddiidyniad treth mewnbwn.

Nwyddau sy'n dod i mewn i Brydain Fawr o'r UE neu drydydd gwledydd o dan reolau tollau, ac yn cael eu rhyddhau o ohiriad tollau mewn warws ecséis ar neu ar ôl 1 Ionawr 2021

I ddefnyddio cyfrifyddu TAW ohiriedig i ddatgan ac adennill TAW mewnfario ar eich Ffurflen TAW, cwblhewch y blychau Gwerth/Cyfradd a rhwch 'TAW ACO' yn y blwch Swm y TAW. Cofiwch gadw'r wybodaeth hon ar gyfer eich cofnodion. Gwnewch y siŵr eich bod yn cadw tystiolaeth o sut rydych yn cyfrifo'r gwerth ar gyfer TAW a ddatganwyd. Bydd angen hwn arnoch i gwblhau eich Ffurflen TAW gan na fyddwch yn cael datganiad misol ar gyfer TAW mewnfario ohiriedig.

Os nad ydych am ddefnyddio cyfrifyddu TAW ohiriedig i ddatgan ac adennill TAW mewnfario ar eich Ffurflen TAW, cwblhewch y blychau Gwerth/Cyfradd/Swm. Byddwch yn cael tystysgrif C79 i gefnogi eich hawliad am ddiidyniad treth mewnbwn.

Nwyddau a gynhyrchir ym Mhrydain Fawr neu Ogledd Iwerddon a gyflenwir mewn warws ym Mhrydain Fawr

Mae TAW cyflenwad yn ddyledus ar y cyflenwad olaf a wnaed mewn warws. Cwblhewch y blychau Gwerth/Cyfradd/Swm. Byddwch yn cael tystysgrif C79 i gefnogi eich hawliad am ddiidyniad treth mewnbwn.

Nwyddau sy'n cael eu tynnu o warws ecséis yng Ngogledd Iwerddon

Nwyddau sy'n dod i mewn i Ogledd Iwerddon o'r UE ac sy'n cael eu rhyddhau o ohiriad tollau mewn warws ecséis

Ni fydd unrhyw newid i'r ffordd y caiff TAW ei chyfrifo. Mae hyn yn golygu pan fyddwch yn nodi 'TAW ACO', mae'n golygu TAW caffael, ac mae'n hanfodol bod hyn yn cael ei ddangos ar ffurflen ar wahân i gofnodion yn y categori nesaf.

Nwyddau sy'n dod i mewn i Ogledd Iwerddon o drydydd gwledydd o dan reolau tollau, ac yn cael eu rhyddhau o ohiriad tollau mewn warws ecséis ar neu ar ôl 1 Ionawr 2021

I ddefnyddio cyfrifyddu TAW ohiriedig i ddatgan ac adennill TAW mewnfario ar eich Ffurflen TAW, cwblhewch y blychau Gwerth/Cyfradd a rhwch 'TAW ACO' yn y blwch Swm y TAW. Cofiwch gadw'r wybodaeth hon ar gyfer eich cofnodion. Gwnewch y siŵr eich bod yn cadw tystiolaeth o sut rydych yn cyfrifo'r gwerth ar gyfer TAW a ddatganwyd. Bydd angen hwn arnoch i gwblhau eich Ffurflen TAW gan na fyddwch yn cael datganiad misol ar gyfer TAW mewnfario ohiriedig.

Os nad ydych am ddefnyddio cyfrifyddu TAW ohiriedig i ddatgan ac adennill TAW mewnfario ar eich Ffurflen TAW, cwblhewch y blychau Gwerth/Cyfradd/Swm. Byddwch yn cael tystysgrif C79 i gefnogi eich hawliad am ddiidyniad treth mewnbwn.

Nwyddau a gynhyrchir ym Mhrydain Fawr neu Ogledd Iwerddon a gyflenwir mewn warws yng Ngogledd Iwerddon

Mae TAW cyflenwad yn ddyledus ar y cyflenwad olaf a wnaed mewn warws. Cwblhewch y blychau Gwerth/Cyfradd/Swm. Byddwch yn cael tystysgrif C79 i gefnogi eich hawliad am ddiidyniad treth mewnbwn.

